

U KOMBELA NJHANI XIYIMO XA WENA XA NANDZELERISO WA XIBALO

U nga kombela Xiyimo xa Nandzeleriso wa Xibalo (TCS) hi xikongomelo xo karhi (xik. Thendara),

- eka inthanete hi ku tirhisa [eFiling](#); kumbe
- hi ku endzela [rhavi ra SARS](#).

U kombela njhani Xiyimo xa wena xa Nandzeleriso wa Xibalo hi ku tirhisa eFiling

Loko se u langutisile "My Compliance Profile", ya wena u nga kombela Xiyimo xa Nandzeleriso wa Xibalo hi ku:

- Hlawula nhlawulo wa Xikombelo xa Xiyimo xa Nandzeleriso wa Xibalo na muxaka wa TCS lowu u tsakelaka ku endla xikombelo xa wona. U tava na mihlawulo leyi landzelaka:
 - Ku va etibukwini ta kahle
 - Thendara
 - FIA (Xengetelo wa Vuvekisi bya Matikomambe) (vanhu ntsena)
 - Vurhurhi etikweni (vanhu ntsena)
- Tata Xikombelo xa Xiyimo xa Nandzeleriso wa Xibalo no xi rhumela eka SARS.

Xitsundzuxo xa Nkoka: Tidokhumente to seketela ti fanele ku khomanisiwa hi ku yelana na [Foreign Investment Allowance](#) na [Emigration applications](#) eka swo tala swa tidokhumente to seketela leti lavekaka.

Vahakelaxibalo lava rhurheke khale lava lavaka ku rhurhisa '*Emigrant's Remaining Assets*' (leswi tivekaka tanihi *Blocked Funds*) va fanele va kombela TCS eka FIA hi ku tirhisa [eFiling](#) kumbe [eRhavini ra SARS](#). Loko u endla xikombelo xa TCS mayelana na FIA, u fanele ku lulamisa '*Source of capital to be invested*' ku ya eka '*Emigrant's Remaining Assets*'. Ku kuma vuxokoxoko byo tala, vona [process for transferring Emigrant's Remaining Assets \(Blocked Funds\)](#).

Loko se xikombelo xa wena xi pasisiwile hi SARS, u ta nyikiwa xiyimo xa nandzeleriso wa xibalo hinkwawo na PHINI. U nga kombela leswaku PHINI yi rhumeriwa eka wena hi SMS naswona u nga yi langutisa eka dexibodo ya "Tax Compliance Status Request" eka phurofayili ya wena ya eFiling. PHINI yi nga tlhela yi kandziyisiwa eka fomo ya papila ra mbuyelo wa TCS.

Xitsundzuxo xa Nkoka: PHINI yo hlawuleka yi ta humesiwa eka xikombelo xin'wana na xin'wana lexi u xi endlaka.

Ku Kombela Xiyimo xa Nandzeleriso wa Xibalo erhavini ra SARS

Loko u kombela Xiyimo xa wena xa Nandzeleriso wa Xibalo [eRhavini ra SARS](#) naswona loko xi pasisiwa, Xiyimo xa wena xa Nandzeleriso wa Xibalo xi ta katsa na PHINI leyi nga rhumeriwaka eka wena hi ku tirhisa SMS eka nomboro ya selfoni leyi tsarisoweke leyi SARS yi nga na yona eka rhekhodo ya yona kumbe leyi rhumeriweke eka wena hi imeyili.

PHINI ya Xiyimo xa Nandzeleriso wa Xibalo

PHINI yi ku nyika ndlela yo pfumelela vandla ra vunharhu ku langutisa xiyimo xa wena xa nandzeleriso wa xibalo eka inthanete hi ku tirhisa eFiling.

Loko se u nyikile PHINI eka vandla ra vunharhu, PHINI yi ta kotisa nhlango kumbe ndzawulo ya mfumo leyi faneleke ku langutisa xiyimo xa wena xa sweswinyana xa nandzeleriso wa xibalo eka inthanete. Yi ta va nyika xiyimo xa nandzeleriso hinkwawo eka siku na nkarhi lowu va nga cheka hi wona handle ka leswi xiyimo xa wena a xi ri xiswona eka siku leri PHINI yi nga nyikiwa eka wena. Ku sirhelela xihundla xa vuxokoxoko bya muhakelaxibalo, ku hava vuxokoxoko byin'wana lebyi nga ta fikeleleka.

Xana u lava ku pfuniwa?

Ku kuma vuxokoxoko byo u komberiwa ku langutisa ["Guide to the Tax Compliance Status Functionality on eFiling"](#).

Bela riqingho eka SARS Contact Centre eka 0800 00 SARS (7277) kumbe u endzela [rhavi ra SARS](#) ra le kusuhi na wena.

